



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 150. Carolesius propemodum ab hoste captus

[urn:nbn:de:hbz:466:1-66459](#)

tur, ac duntaxat suorum paucissimis sti- Sæcul. XV.
patus esset, propemodum captus fuisset, A.C. 1465.
nisi eum Lontajensis Dynasta e proelio
pedem referre amica vi compulisset.

Comes cum ad Montem-Letericum rediret, haud parum attonitus hæsit, eo- quod antea dissipatas Sagittariorum, qui Regis præsidiarii erant, cohortes denuo collectas cerneret, & ipse nonnisi centum Equitum manipulo munitus esset, ceteris Gallorum pedites insequendi ardore avulsis. Evidem Carolesio hostem declinare in animo erat: ast Sagittario- rum quindecim vel viginti derepente in eum irruunt, ejus scutarium Nobilem, quem Comminæus Philippum de Organo appellitat, trucidant, ipsumque Comitem plurimis vulneribus afficiunt, ac præcipue ejusdem jugulum gladio tam alte transfigunt, ut vulneris vestigium longo post tempore permaneret. Non deerant, qui periculi contemptu improvide dimicantem retrahere conabantur, identidem acclamantes: victoribus cederet, nec vi- tam improba cæde prodigeret.

§. CL.

*Carolesius propemodum ab hoste
captus.*

Ast ille cedere nescius, pugnare non de-
stitit
N 4

Sacri. XV. stitit, suamque salutem, quam hostis cle-
A.C. 1465. mentiae adscribere erubescet, nonnisi
 fortitudini debebat Joannis Cadeti, qui
 cujusdam Parisiensis Medici filius eidem
 proximus aderat; Hic enim generoso
 vectus equo, in medios hostium cuneos,
 qui jamjam Comitem secum abducere
 parabant, irruit, eundemque e manibus
 eorum eripit. Discessum igitur e præ-
 lio est, æquata utrinque, ut verum fa-
 teamur, tam Victoriae gloria, quam de-
 victorum jactura; quippe hinc finistrum
 Regis, illinc dextrum Carolesii Comitis
 cornu toto impetu scissum adeo tumultuaria
 fuga excessit, ut quidam utrius-
 que exercitus fugiti velociissimo equo-
 rum cursu per integrum biduum avola-
 rent, & omnis cibi oblii, nequidem
 retrospicere ausi fuerint. Tanta
 utrinque erat animi trepidatio, ut tam
 Regis quam Comitis milites se prælio
 devictos fuisse crederent. Die ad vespe-
 ram inclinante Rex equitando fessus, ad
 castrum Montis - Leterici deductus est,
 comitante eum Scotorum præsidiorum
 cohorte. Suspiciabantur Galli Re-
 gem, cum diutius absensasset, abs dubio
 promiscua cæde oppressum fuisse; Par-
 ter Comes Cenomanensis, & Montis Al-
 bani Dynasta cum octingentis Lancea-
 riis vitae suæ fuga consuluerunt.

§. CLI.